



Inatsisartunut ilaasortaq Hans Aronsen, Inuit Ataqtigiit
/MAANI

Nungusaataangitsumik aalisarnermut uppersaasiisarneq pillugu § 37 naapertorlugu apeqquteqaammut nr. 137-2016-mut akissut

14-06-2016
Sags nr. 27412
Dok. nr. 2961104

Inatsisartut suleriaasianni § 37, imm. 1 naapertorlugu nunatta imartaani nungusaataangitsumik aalisarnermut uppersaasersuisarneq pillugu Naalakkersuisunut apeqquteqaateqarputit. Apeqqutitit Aalisarnermut, Piniarnermut Nunalerinermullu Naalakkersuisoqarfimmu akisassanngortinneqarput.

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.naalakkersuisut.gl

Apeqqutit akineqarnissaat pillugu Sustainable Fisheries Greenland (SFG)-miit akissutissatut siunnersuutitit pissarsiniarsimavugut.

Aalisariaatsinut ataasiakkaanut attuumassuteqartut nungusaataangitsumik aalisarnermut uppersaammik qinnuteqaateqartarput - Naalakkersuisut pinnatik. Maannamut nunatsinni aalisariaatsini pingasuni nungusaataangitsumik ingerlatsinermut uppersaasiisoqarsimavoq; Tassa, Kitaani raajarniarnermi, nunatsinni nipisanniarnermi kiisalu Barentshavimi aalisariutit nunatsinneersut atorlugit saarullinnik, kulleritit sejenillu aalisarnermi.

Tamatuma saniatigut Kitaani avataasiarluni qalerallinniarneq "nalilersuiffineqarpoq", tassa aalisarneq kiisalu nungusaataangitsumik aalisarnermut uppersaasiisarneq toqqammaviit malinneqarnerisut nalilersuiffineqalersimapput naatsorsuutigineqarlunilu suliaq tamanna 2017-imi naammassineqarumaartoq.

Aamma Kitaani sinerissap qanittuani saarullinniarnerup nungusaataangitsumik ingerlanneqarneranut uppersaammik pissarsiniarnissaq pilersaarutigineqarpoq.

1. Qalerallit avataani pisarineqartut MSC-mik nalunaaqutserneqalerput, siunissami MSC meqqeq sinerissamut qanittumi atuutilertariaqarpa?

Akissut 1)

Uppersaasaat maanna pissarsiariniarneqartoq taamaallaat nunatta sineriaata avataani aalisarnermut atuuttussaassaaq. Avataasiarluni aalisarnerup siullinneqarneratigut SFG-ip siulersuisuisa suut salliutissimaneraat ersersinneqarpoq. Massakkut naliliineq naapertorlugu sinerissamut qanittumi nungusaataangitsumik aalisarnermut uppersaasaat pissarsiariniarneqassaaq, kingusinnerusukkulli piumaarluni. Massakkulli taama suliniarnissamut aalajangersimasunik pilersaaruteqartoqanngilaq.

2. MSC meqqi sinerissap qanittuanut atuuttariaqarpat qaqugulu atuutilertariaqarpa?

Akissut 2)

Sinerissamut qanittumi nungusaataangitsumik aalisarnermut uppersaasiisoqarnissaannik sulii aalajangertoqanngimmat, ilami aamma suliluunniit tamatuminnga suliniuteqartoqalersimangimmat apeqqu taanna akineqarsinnaanngilaq. Oqaatigineqarsinnaavorli nungusaataangitsumik aalisarnermut uppersaasiiniarluni suliniartoqalerneraniit uppersaasiinissap tungaanut sulineq qaammatinit 18-nit siviisunerusussaangimmat. Piffissaliussaqa taanna sipporneqarpat uppersaasiiniarluni sulineq aallaqqaataaniit aallarteqqinneqassaaq. Tamakku aamma pissutigalugit suliniutit taama ittut peqqissaarulluinnarneqartarput, ilaannikkooriarlutillu siviisoqisumik piareersarneqaaqqaartarlutik.

3. MSC sinerissamut qanittumi qalerallinniarlut inuussutissarsiutigineranut qanoq pingaaruteqartigaa.

Akissut 3)

Avammut tunioraasut tungaanniit oqaatigineqarsinnaavoq uppersaasiinissaq nukinginnarujussuannangimmat. Tassa qalerallit tulaanneqartut tamarmik tunitsivissaqartilluarneqartarput akigissaartinneqartarlutillu. Niuerfiilli uppersaasiinissamik piunasaqaleriartormata siunissami ungasinnerusumi uppersaasiinissaq pisariaqalersinnaavoq. Aalisakkat qaleruallillu aalajangersimasut eqqarsaatigalugit pingaartumik Europami niuerfiit ullumikut uppersaammik piunasaqaateqartarput. Aatsaat nungusaataangitsumik aalisarnerup uppersaateqartinneqarneratigut niuerfigisartakkat tigummiinnarneqarsinnaassapput akillu attatiinnarneqarsinnaassallutik.

4. MSC meqqi pilersinneqartariaqassappat suliiassat suut siusissukkat naatsorsuutigineqarpat naatsorsuutigineqartariaqarpalluunniit?

Akissut 4)

Nakkutigineqanngitsumik (pisassiiffiusut avataanni pisarineqartartut) aalisarneq nungusaataangitsumik aalisarnermut uppersaasiiniarnermut aporfiusinnaavoq, aammalu pisassiisarnerit kiisalu biologit siunnersuisarnerat imminnut annerusumik ataqatigii-lersinneqartariaqarsinnaassallutik. Aalisarneq annerusumik sukannernerusumillu nakku-tigineqartariaqalersinnaavoq ilaatigullu piniutaarsiutit qallorneqartariaqartalersinnaallutik. Sinerissamut qanittumi qalerallinniarnermi peqassutsip, aalisakkat kinguaassiornerata aalisarneqarnerallu imminnut toqqaannartumik ataqatigiittanngin-nerat (qalerallit tiffartut suffisarfiimmit immikkuullarissuusarnerat) pissutigalugu aalisarnerup taassuma nungu-saataangitsumik ingerlanneqarneranik uppersaasiiniarnermi suut ajornartorsiutaaju-maarnersut siorningerlugit oqaatigiuminaapput.

5. MSC nunatta nunarsuatsinni aalisakkanik niuruteqarnerani pingaarutilimmik inissisimasutut, aalisakkanillu tunisiffissaqartuaannarnissatsinnut aalajangeeqataasutut inissisimasoq Naalackersuisut uppersarsinnaavaat?

Akissut 5)

Ataatsimut isigalugu aalisakkanik inuussutissarsiuteqartut tungaanniit oqaatigineqarsinnaavoq uppersarsaasiisarneq raajanik avammut tunioraannermut assorsuaq sunniuteqarsimammat aammalu nipisat suaanik nioqquteqarnermut suli annerusumik sunniuteqarsimammat. Europami aalisakkanik Barentshavemeersunik uppersarsaateqanngitsunik nioqquteqarneq ajornakusoortorujussuavoq. Tamanna pisassat amerlasoorujussuunerannik taamalu aalisakkanik tamaanga pisunik tuniniaasorpasuaqarneranik pissuteqarsinnaavoq. Taamaammat nungusaataangitsumik aalisarnermut uppersarsaasiinerup pingaassusia oqaluttuarisaanermi pisartunit takussutissinneqareerpoq.

6. MSC aalisakkanut assigiinngisitaartunut sapinngisamik tamanut atuutsinneqartariaqartutut naalackersuisut isumaqarpat?

Akissut 6)

Raajat nipisallu suaasa nungusaataangitsumik aalisarnermut uppersarsaatitaqartinneqarnerat iluaqutaasoq takutinneqareermat aalisakkanut qalerualinnullu allanut nungusaataangitsumik aalisarnermut uppersarsaasiinissaq soqutiginaateqarsinnaavoq.

7. Naalackersuisut erseqqissarsinnaavaat MSC-ip atuutsinneqarnera aalisakkat akiinut nalituneruleriartornissaannullu iluaqutaassanersoq?

Akissut 7)

Naalackersuisut imaluunniit SFG akit qaffannissaannik qularnaarisinnaangillat. Misilittakkalli takutippaat uppersarsaasiinikkut ukioq manna nipisat suaannut akit qaffannissaat tunitsivissaqartilluarneqarnissaallu toqqammavissinneqarsimammat. Tassani oqaatigineqaannassaaq nioqqutigineqartut ikiligaangata akit qaffattarmata amerligaangatalu akikillisarlutik.

8. Suut tunngavigalugit, sunalu siunertaralugu MSC Naalackersuinikkut pingaartinneqarluni ingerlanneqarpa?

Akissut 8)

Uppersarsaasiinissaq aalisakkanik inuussutissarsiuteqartunit assorsuaq pingaartinneqarpoq, tassami tunitsivinni piumasaqaatit – pingaartumik Europami – ukiuni kingullerni qaffakkiartuinnarsimapput sulilu qaffakkiartorlutik. Tamanna aamma Asiamut siammariartorpasippoq. Taamaammat aalisakkanik inuussutissarsiuteqartut nungusaanginnermut uppersarsaateqartitsilerumallutik ilungersornerannut tunitsivinni piumasaqaatit pissutaanerpaapput.

9. MSC aalisartunut, tunitsivinnut, tunisassiassanut aammalu nunatsinnut tamarmut sunniutai qanoq erseqqissarneqarsinnaappat?

Akissut 9)

RG-ip tunitsivigisartagai eqqarsaatigalugit nungusaataanngitsumik aalisarnerup tamatumunngalu uppersaateqarnerup qanoq pisariaqartiginera paasiumallugu suliffeqarfiup Royal Greenland A/S-ip Deloitte Sustainabilitymik suleqateqarluni nunarsuarmi tamarmi sullissani misissuiffiqqissaarpei. Misissuinermit paasisat pingaernerit tassaapput nungusaataanngitsumik aalisarnerq pisisussat pilersuisussaminnik toqqaaniarneranni pingaernerpaatinneqartarmat, kiisalu nungusaataanngitsumik aalisarnermut uppersaateqarnerup atuisartunit assorujussuaq pingaartinneqartarmat, aammalu atuisartut akiliinerulaarnissartik ajorineq ajormassuk.

Misissuiffiqqissaarnerq tamarmi uani nassaarinerqarsinnaavoq:
<http://www2.deloitte.com/content/dam/Deloitte/dk/Documents/risk/Deloitte-CSR-RG.pdf>

10. MSC atuutinnikkaluarpat ullumikkut nunatsinni sunniutigisimasinnaasai suut taaneqarsinnaappat?

Akissuteqaat 10)

Uppersaammiq pigisaqannginneq unammilleqatigiinnermi aporfugaluttuinnartut aalisakkanik inuussutissarsiuteqartunit isigineqarpoq. Tassa tunitsivissat akillu eqqarsaatigalugit taamaappoq.

11. Avaleraasartooriarneq aammalu ikerinnaasiortunik aalisarnerq, minnerunngitsumillu avataasiarluni aalisariaatsit tamaasa eqqarsaatigalugit MSC-p atuutinneqalernissaa qanoq anguneqassanersoq Naalakkersuisut oqaasertalersinnaavaat?

Akissut 11)

Avaleraasartooriarnermi aammalu aalisakkanik qalerualinnillu allanik aalisarnermi nungusaataanngitsumik aalisarnermut uppersaasiineq ilaatigut aqutsinermi pilersaarusiornikkut suliarineqartarpoq. Aqutsineq pillugu pilersaarusioreq maanna Naalakkersuisunit salliutinneqalersimavoq.

12. MSC tunngavigalugu aalisartut pisassaateqarnerup eqiterutsinneqarnissaat siunertaava?

Akissut 12)

Nungusaataanngitsumik aalisarnermut uppersaasiisarneq aammalu aalisarnermut attuumassutillit amerlassusii imminnut attuumassuteqarnerannik ilisimasaqartoqanngilaq.

**13. Nunat tamalaat akornanni isumaqatigiissutinik tunngaveqartumik
piujaannartitsinissamik siunertat nunatta isumaqatigiissusiornernik
atsioqataaffigisimasai nangittumik naalakkersuisunit nunatta iluani
timitalersuiffigineqassapat?**

Akissut 13)

Nunatsinni nunat tamalaat akornanni pisussaaffivut naammassiniarnarpavut, aamma nunat tamalaat akornanni malittarineqartoq, tassa "nalornigaanni mianersuussinissaq" naammassiniarneqassaaq. Tassungalu ilanngullugu aamma oqaatigineqassaaq aqutsinermi pilersaarutinik nutaanik amerlanerusunillu suliaqarnissaq Naalakkersuisunit suliassani salliutinneqarmat.

Inussiarnersumik inuulluaqqusillunga

Nikolaj Jeremiassen